

廣昌縣志

地 130.201  
39  
部 三 八 五

191.1  
191.1



廣昌縣志序

夫人文漸啟由歷久而發皇地軸鍾祥亦有待乎運會不惟天下之大勢為然即最爾邑亦何莫不然地靈人傑代有轉移幸逢其會者苟綜今昔而時誌之謂不足增輝乎志乘哉余自幼時好涉獵史事輒留意於方輿形勢要害與夫往蹟芳蹤及長而宦游燕趙間鞅掌馳驅凡所歷山川名勝靡不採風問俗心焉誌之歲己巳

廣昌縣志

序

授廣昌令竊謂是邑也漢書所稱拒飛狐之口而為歷代戰守之區民數困於兵荒治恐鄰於凋敝膺茲民社凡衛民養民教民諸政責備甚多整理當非易易何幸泣任後瞻謁文廟及書院義學皆興修未久巍煥可觀問諸兵制倉儲尤為完備揆文奮武較他邑尤燦如焉藉非邑有君子與有先我而為之者曷克臻此惟縣志一書更為政典所最要披閱舊志記載闕如

而冊籍亦僅有存者詢之邑紳僉稱歷任失修  
迄今已百餘年矣嗚呼時閱數傳其間因革損  
益風教固殊補舊增新至繁且要烏可聽其愈  
久而愈失哉雖然修志難而廣邑尤難地處極  
邊掌故之留貽者少則稽考難年週兩甲事蹟  
之湮沒者多則採訪難守土者非迫於簿書之  
鮮暇即慮夫編刻之無資年遠因循職是之故  
然為邑也宰者宜為邑也事豈容以其難而忽

廣昌縣志

序

二

諸况廣邑自改屬 畿甸以來為 秦陵風  
水之重地已有年矣 國家厚其培川嶽毓其  
秀險隘漸闢為康莊沙石漸開為阡陌商賈日  
益集民物日益豐風氣日益上偏僻也而根本  
重之邊陲也而 畿輔重之矣所難如彼而所  
重又如此於此而不盡吾心惡乎盡吾心遂時  
與廣文紀君等謀修輯之並屢因勘驗週歷四  
鄉耳目之所及父老之所傳訪良帥名將之遺

蹤過孝子忠臣之墟墓尋幽探勝稽古證今而  
欲藉修志以振勵風俗之思彌勃發而不可遏  
適奉 上憲以續修通志頒示條款因並仿照  
體裁增修其志即首先捐廉為闔邑倡商之紳  
士靡不樂從不旬日間集有成數遂命各紳董  
立局分四鄉採訪遵 郡憲趙公條款旋輯旋  
錄邑孝廉李君得齡掌正誼書院駐局任事別  
駕張君煥事多諳練助之編次孝廉辛君元瑾

明經梁君理廣文徐君知禮茂才梁君秉鈞及  
諸紳等互相參考兼質之 廣文紀君更為刪  
繁補略詳細校訂余亦以所聞見者一知半解  
參酌其間合羣力而成一書越數月而藏厥事  
呈質於 郡憲趙公并請弁數言於簡端惜未  
果去任而邑紳亟擬付梓問序於余余固不敢  
以述作居其功亦何敢以疏淺逃其責除已詳  
前志不復贅言聊敘興修是志之顛末而甚幸

數年承乏猶及徵百餘年文獻繼歷任之闕如者而克奏其成是役也其所以鑒往者在茲示來者在茲為闔邑之典章者亦在茲炳烺照耀秩然燦然是邑之光也諸大雅之贊成也余何力之有焉

光緒元年歲次乙亥孟秋

中憲大夫知廣昌縣事東浙劉榮謹識



# 廣昌縣志序

廣邑舊志久修已百餘年矣  
地輿星野已定者不可更他言  
人物事蹟等類勢殊時異歲  
有遷徙倘積久而流風既變故

老無徵即欲增續重刊亦感嘆  
考核之無據邑侯劉君嘗憲  
及此而有志未逮也會省郡修  
畿輔志徵邑乘以備採擇公曰

此其時矣爰集紳士籌商採訪

泰攷表台任之余以備吳學校  
濫等至中籍古證今不替竊  
有感言夫廣昌最爾區身空  
極邊外居萬山中每有聞知  
名而茫然不知者以地遠而

二

偏故也余初銓選得此閑者  
咸為扼腕惜及履任見夫擁  
飛狐通拒馬羣少拱翠翁壑  
舒青數百里怪石奇峰應接不  
暇形勢之勝為他郡所弗及又

見夫俗尚敦龐民習質樸  
彬彬有太古風則此地殆不可  
棄而可取自維不才無學潦  
倒半生不得已求奉 尼山  
香火嗜饜菜味枕石頭眠雖

三

仕猶隱迺仍流連不忍掛冠去  
別以風景之繫人者深也至  
於脉連

陵寢靈秀所鍾前序基碁詳冬事  
振拾重敏書既成將付剞劂

此邑侯倡辦之功諸君子贊  
襄之力自愧非友稍効綿  
薄第埋首數年躬逢盛  
姓名河附簡冊以俱傳亦一  
時之幸遇也爰贅數言於

四

左聊以誌山川跋涉庶不  
虛此一遊也夫

奉直大夫廣昌縣教諭古燕  
廣陵紀朋陵謹識并書



舊志序

明知縣三韓劉世治凝菴

粵稽郡邑之有志所以載山川之形勢風俗之美惡  
人物之盛衰節氣之先後星宿之次舍與夫古蹟寺  
觀天寶物華不甯惟是又仁孝節義所以彰徽燬於  
往昔垂鑒戒於來茲蓋與國史家乘並重而不可缺  
遺令觀風問俗者一開卷而燦若指掌廣昌之志書  
前之有無皆不可知惟於戊辰歲繇秦之耀庠推知  
是邑有禮書往迎乃進城圖一幅憲綱一冊問之曰  
何無志書答曰從來無有竊訝而疑之是邑壤地雖

廣昌縣志

舊志序

小猶是中土文獻之邦也何獨於志而無之無何至  
境謁廟畢縉紳暨青衿來會不佞起而請曰斯亦禮  
教地也何無志書諸君齊聲唯曰原無一客起而對  
曰雲中自石晉蹂躪以來得失不常典籍散逸他不  
盡知卽相近之靈邱亦未有志不佞竊自思曰此亦  
闕典哉凡事有可筆奚必古今有此一郡之要典夫  
豈異人任奈何當吾世而令其久湮哉惟於公餘徧  
詢左右又詢之鄉賢士大夫與夫父老數月間得其  
大略敘成數帙不理不倫恐貽後人羞然渡津者必  
問之水濱稽古者必考之宿儒欲知一邦之實蹟必

求之此邦之文獻惟是執而質之趙君君卽欣然以爲已任叅互考訂不數日而書成焉復與學博吳君共較閱之又得孫冀二生贊成焉此誌較之他郡多所未備蓋不敢無知妄作略存什一於千百云爾其所爲補其闕略而潤色之者以俟後之君子

### 舊志序

明訓導休甯吳繼誠永陽

邑之有志卽國之廣輿紀家之乘典至重也其所載山川勝概物華古蹟士俗民風其小者也至表孝旌忠褒節獎義昭激勸示不妄較明廷華衰殆綦迥焉

### 廣昌縣志

舊志序

二

蓋其事乃耳目所覩記故老所傳聞一經載籍觸目憬然擦撥心花興起懿好非他籍比其闕政治何如故留心政本振勵鴻猷者必加意也廣昌雖附邊關猶近內地且路當衝要人文絡繹溯觀涑源又是中都右臂以故風氣遒勁人多挺杰異能奇材代不乏人邑侯劉君戊辰臘以廣文陟蒞茲土余亦承乏學校相與探訪芳踪較閱人文眺覽佳勝竊嘗褒其彬蔚又見劉君天資樸茂德厚政龐越明年百廢俱興治績煌煥迨方使者已上其最於當二喬轉名郡計在旦暮一日謂邑志不修良吏之闕乃屬之邑人

趙君諱文耀稿成以示不佞校且命一言以弁其首  
余直述嶺末取激勸二義懇懇君侯願君侯急付剖  
劂以垂來茲行見吏治光風俗美用以備觀風者博  
採是則余之志也是爲序

舊志小引

邑人趙文耀卿雲

從古天子有玉牒列國有史郡邑有志宗有譜家有  
乘游有記事有錄故海內凡城域疆里以洎名山勝  
川洞天福地咸有簡策以傳其一方之概俾千載下  
得耳而目之何處何事跡也我廣昌雖一邊陲彈丸

廣昌縣志

舊志序

三

邑無他奇踪異事可以相傳而一方風尚民物豈不  
可供博覽君子以發一笑然苦於始創之遺廢也後  
卽欲補綴成刊恐於本來面目添設粧點則後世讀  
志者未免有無知妄作之誚區區此心亦祇與往事  
相去耳何幸邑父母劉公以牧民課士之暇相與接  
愚輩而切邑志之觀蓋誠探風問俗有古良牧勤行  
勸課思焉然縣治之歷年多矣始末詳記則難其間  
大略可以相質者亦何妨枚以敘之俾四方諸君子  
亦知我廣昌爲形方土方之所不必棄云

舊志序

知縣青沔杜登春讓水

嘗攷周禮職方氏掌天下之圖之地辨其邦國都鄙之人民與其財用穀畜之數要周知其利害此後世邑志之所繇昉也夫邑之有志遠以傳歷代沿革之建置近以表山川要害之形勝上以存賦斂匪頒之經制下以著風俗物產之士宜是志之繫於邑也亦綦重矣余出知廣昌邊鄙砂磧百緒茫然亟訪邑乘相傳有明崇禎五年所修縣志版策已爲蟲魚剝蝕大半善本無存還考六十年中文獻罕徵人乏壺遂將何所援據以爲增補之本不禁悵結久之適奉檄

廣昌縣志

舊志序

四

徵郡縣輿圖纂修一統志余跋涉山谷諮諏野老手摩碑記移會鄰封筆其山川疆域製爲廣昌縣輿圖册說繕繪上呈史館大約本之舊志合之今時不失尺寸也舊志乃前辛未三韓劉公所修至今辛未已一週矣流風善政雖久必傳典故興衰若有氣運使之者當時廣文吳君來自白嶽爲飛狐人師無他嗜好以教導著述爲己任游日時制博稽眾言爲劉公纂成一邑之志幸得此舊本留遺也余才政學業愧劉公又鮮分曹纂輯者一心一手酌古準今有疑難刪傳疑傳信縱有遺亡魯豕絕無因革混淆文書

新皆闢民生之利弊者竊比褚少孫日者龜策裴松之註三國也已嗟平余矢志補修承乏以來九年所矣每恨卒卒無須臾暇未成一則全書屢奉更易一則關口管轄莫定一則簿書執掌悉索空囊期會奔走之不給一則旱稜頻仍軍興旁午賑饑轉餉之不遑安能本經貫史仰紙滿臺據三長之座成一家之言乎今瓜期伊邇唯恐留之後人貽譏缺典故於辛未之秋亟爲錄出付梓之頃又得前令王公佩琦抄本半部考訂照合別無挂漏矣廣昌所雖隸宣府實係同城所中事蹟亦備纂入如掌故之籍甲乙之簿已耳若欲筆削瑕疵規撫載乘核前賢之懿行採後起之芳踪蓋潤增華則以俟博通君子是爲敘康熙三十年歲次辛未八月穀旦

### 舊志序

知直隸易州事閩漳黃可潤

志者志也有志於服官者土地人民政事三者所當居今稽古宜民善俗備志而不忘者邈然山川不改而賦役日更風化漸開則人文日盛其間因革損益稱物平施不無待於博雅之彥留心土理秉經酌史採遺摭逸使教養日興循良迭奏此志之有事於時

修者余承乏宣化攝蔚州篆知廣昌舊屬蔚州地處深山習尚樸樸人以陋視之戊寅冬

簡耀易水署有舊志二本因取而觀事既簡略文多紕繆而梨棗半模簡篇殘缺百年來

仁風洋溢裕美刑濤善績日多遺逸未載一方文獻以深念之廣昌令趙公以新修縣志問序於余余見而欣然喜曰君可謂留心上理者矣夫不有所廢其何以興事有同心誰其先我細閱各卷其間如志分野按職方以恒山入昴五度宜占畢昴此處最爲確鑿蓋燕冀在析木燕趙向占畢昴廣昌飛狐一口原屬

廣昌縣志

舊志序

六

大同之東大同向占畢昴卽飛狐而據占畢昴其說復又奚疑分野定而體國經野之規自可按纏次而驗豐亨此春秋之所以必言天道也若夫方輿核舊賦役增新建置仍規藝文加煥選舉名賢節烈以及學校職官等志悉考其實炳炳乎自成一邑之章亦足以徵前而信後矣按廣昌前漢舊名屬中山至隋仁壽初改名飛狐屬上谷歷唐宋金元均承飛狐至明洪武初始復舊名廣昌仍屬蔚州

國初尙屬大同雍正間改屬易水其飛狐一口兩崖峭壁一線微通迤邐蜿蜒蠶叢夾徑卽酈食其說高祖

距飛狐之要後漢建武黃霸杜茂築起亭障之所也  
古名將大帥嚴關扼要戍卒雲屯芻藜山峙司推之  
臣鑄冶伐木上供天府之用史冊所載不獨志也歷  
代以來可以云險可以云要而不可以云陋况

國家昇平日久休養生息山川草木皆有光輝而可以  
陋視之乎按其方隅考其圖籍前此爲兩晉之藩籬  
者今爲一輔之門戶土地今昔異勢也北走宣府西  
趨大同商賈往來百物馱運無伏莽之憂守兵雖設  
無所用山居谷處之民雖無摩肩擊轂之盛而昔也  
千戈今也春鍤昔也飛輓今也倉箱丁男萬計民人

廣昌縣志

舊志序

七

今昔異象也其中均稅定賦明禮正俗興賢毓材奮  
武揆文懷貞守義政事今昔異宜也載筆彬彬雖在  
一隅而繫九畿之要地也雖陋而未陋矣夫前事不  
遠後事之師後之蒞斯上者考其要秘其詳守其常  
通其變而益以志所未志焉則太行彈丸紀載爛如  
且與上國等矣然非趙君之徵文考獻勒爲成書則  
因陋就簡其爲政事亦苟焉而已何以宜其民人而  
制其土地不有君子焉往而不陋哉

舊志序

知縣江右南豐趙由仁

廣邑羣峯疊翠萬水爭朝實靈秀發端之區其所關  
爲甚大也雍正十二年

世宗憲皇帝既定

萬年吉地於易之泰甯山審其來脈厥由廣邑之插箭嶺南  
來復從浮圖峪東轉起伏聯縣均係天造地設是以  
廣邑向隸晉省改歸直屬稟承聲教建設維新宜速  
紀之以彰發脈鞏固之祥仁非材承乏茲土戊寅歲  
卽申請 大憲允修邑志但自分簿書軼掌紀載一  
事茫無就緒幸值 郡憲黃公班馬之才燕許之手  
訂定成書方輿志而規模聿新建晉志而事蹟可核

廣昌縣志

舊志序

八

學校志而教訓宜急職官志而曠宇時懷賦役志而  
徵輸有則選舉志而賢才各出人物志而幽隱悉彰  
藝文志而名勝備列蒐輯潤色皆 郡憲主之仁與  
三之紳士共爲參攷備備焉厘舉一漏萬之懼矣迺  
思幼年誦讀時古人云塞飛狐之口不禁有今昔之  
感昔時爲戎焉之場煙塵黯黯風如髮驚今則爲文  
物之境旭日輝光纖翳不作按茲形勢奔注而停蓄  
長爲守護

廣邑之龍脈繚繞迴環佳氣鬱蔥豈非地軸效靈千百年而  
一轉也哉乾隆二十五年歲次庚辰正月吉日